




www.BibleForChildren.org



Pinpiik 6



Nowa labaare na: Nowa din tee
niŋance ki be nan Yennu fanu.
Ŋoo kɔɔe din tee niŋano li yoo.
Ki Yennu got tingboun na, ki
la ki li bi, kimaan nisaarii kur
din be jakint nie.




Ki u yet Nowa a, “N saa boont nisaarii kur
tingboun na niwa. N saa biirib, kimaan bi
toonbiit nan mukisuk paake te ki n yaa
n biir gamm nan tingboun na.
Jiin taabnana ki kpaa narun,
ki teen diit li ni, ki taan nook ni
nan poorpo
nan kotaar.”



Kpaan, ki li fɔkint tin
niŋ-ii tee taabana kobii
ŋanna nan piinŋmu,
ki li yarimu-ii tee
taabana
piinlore nan

ŋanŋmu,
li fɔkint
sanpaapo-ii tee
taabana piinna
nan ŋanŋmu.




“Ki a saa jii jeet nba ki i sii
di, ki taan bekir li kur
ɲarun na ni, ki li sii tee fin
nan ɲamm jeet.”



Bonkob-booru kur banlee-lee, joo nan poo, nan
bon-yuyukit booru kur banlee-lee, joo nan poo, nan
bonbubokit booru kur banlee-lee, joo nan poo, saa baar
a boor, a bin foor, ki a koomm
narun na ni,

ki
bin
foor.




Jiin bonkobit booru nba kur ki tee koor,
bonjai banlore-lore, nan bonnaanii
banlore-lore, ki bia jii bonkobit
booru nba kur tee koor,
banlee-lee, bonjak nan
bonnaan, ki bia jii
bon-yuyukit ...




... booru kur bonjai
banlore-lore, nan
bonnaanii banlore-lore, ki
naan bi booru kur-ii fo ki
pot tingbounj na ni.






Ki ηᵛᵛ Nowa nan u
bonjai, nan u ηaapoo,
nan u sipoi kᵛᵛ ηarun na ni,
kimaan nyungbeeuk na paak.





Binn nba pukin ki teen Nowa
bina kobii ŋanloob na ni, li ŋmaarii
ŋanlee ni, daa piik nan ŋanlore daar nae,
ki tingboun na lokir kur po put nan jinjabii,
ki sanpagboun loot, ...



... ki saak baa tingboun na paak
yonnu ni piinna, nan nyioek piinna.


Ki nyun na pukin
bonchiann tingboun
na paak, ki njarun na
din puuk nyun na
paak, ki lin purin.




Nyun na din pukin bonchiann tingbouŋ na ni, ki joɔt nan kunkona kur din piin. Linba kur foi, ki din be tinkoon na paak, ki li kpo.




Yennu din ki tamm Nowa nan bonkobit
nba kur be ɲarun ni na po, ki din te ki
woun da tingboun na paak, ki nyun na
foor, ki soo nyuntana nba nyi tin ni, nan
linba nyi sanpaapo na kur loona,
ki saak bia nyik
baanuwa.






Nowa ji din nyinn
lanjerike, a wun laan
nyun na foor gbenna-a.



Ŋmaarik nba pukin ŋanlee na, li daa piinlee nan
ŋanlore, ki tin koor ki gbenn. Ki Yennu bet
Nowa a, “Nyimin ŋaruŋ na ni, fin nan a
ŋaapoo, nan a bonjai,
nan a sipoi.”



Ki Nowa maa maruŋ binbintir
ki tur Yennu, ki din
nyinn bonkobit nba
ki koo na booru
kur ni siab, nan
bon-yuyukit nba ki koo
na booru kur ni siab, ki
mann mujoonu maruŋ,
binbintir na paak.




Molor nba ki n
teen yimm nan
bonfoor kur nba
be i boor, ki li sii tee
molor yaayoo nan
yaayoo na nyinne na:

N saa boon naatooruk
sanpaapo, ki li sii tee
min nan tingbounj na
molor na nyinn.




Ki li-i tee saak
yin sanpagbant ni,
ki naatooruk boon,
n saa tiar n molor nan
yimm, nan bonfoor
booru kur, ki nyun ji kan
ban di boont bonfoor kuri.



Yennu din teen piisin
Nowa nan u bonjai paak ki yet a,
“li mar man waas bonchiann, ki pot
gbeen tingbounj na. Nowa bonjai
nba din nyii njarun ni na tee Sem
nan Ham nan Jafef. (Ham-e
din tee Keenann baa.)

Nowa

bonjai bantaa nae tee
durinya niib kur yeejamm.”



Kimaan Yennu mantik loon tingboun
na bonchiann; li paak, ki u turit u
Biyemmir, ki wunba teen u Bija man
yada, u tan kan koo muu ni,
naan u sii mok manfoor nba
kaa gbennue.



Rom Teeb 3:23 kimaan nisaarii kur tun toonbiit ki ki be fanu
nan Yennu nba loon bianjinba na.

Rom Teeb 6:23 Kimaan biit nyoot tee kuume, naan Yennu
piinii tee manfoor nba kaa gbennue, ti Yomdaano Yiisa
Masia paak.

Hiibru teeb 9:27 Yennu senn a see ki niro kur n kpo
yomkoo, ki li poorpo ki wun bu u buut.

Efesus teeb 2:8,9 Yennu ninbatinu na paake ki i tinn,
kimaan yaa teen Masia yada na.

Soo kan fit nyu bara li paaki, kimaan li ki tee u tionj toona
paak kaa; li tee Yennu piiniie.



Rom Teeb 10:9,10 Li-i tee ki a set pak a mob ni ki yet a Yiisa tee Yomdaano, ki bia teen yada a par ni nan Yennu set fiino kuun ni, Yennu saa tinnawa.

Kimaan niro nba teen Yiisa yada u par ni na paake, ki Yennu yet a u tee niyano u toonn, waa pak kat na paake ki u la tinnu.

Joonn 3:16,17 Kimaan Yennu mantik loon tingboun na bonchiann; li paak, ki u turit u Biyemmir, ki wunba teen u Bija man yada, u tan kan koo muu ni, naan u sii mok manfoor nba kaa gbennue, kimaan Yennu nba din tun u Bija tingboun na ni, u din ki tumo a wun tan bu tingboun na niib buut ki biirib kaa, naan u din yaa wun tinnibe.



1 Joonn 5:11-13 Yennu siara man tee nnae:
a u turit manfoor nba kaa gbennu,
ki manfoor man nyii u Bija Yiisa nie.

Wunba gaa nan Yennu Bija na, nɔɔe mɔk
manfoor man; nɔan wunba ki gaa nan Yennu
Bija man-i, u ki mɔk li manfoori.

N sobin gboun na ki teen yimm nba teen Yennu
Bija yada nae, kimaan n loon ki i bann nan i
mɔk manfoor nba kaa gbennu.



Pinpiik 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Bimoba Bible (bim) © 2003,
Wycliffe Bible Translators, Inc.

<https://live.bible.is/bible/BIMWBT/MAT/1>

©2026 Bible for Children, Inc.

www.M1914.org

www.bibleforchildren.org

